



Arubaanse Courant

Anja 25

DIALUNA 20 APRIL 1964

No. 5015.

500 Invitado di extranheria na convencion di Rotary

Rotary Club di Aruba a haña e honor di ser escohi como anfitrión pa e celebraciòn di e Conferencia di Plata di e Distrito Rotario 435 durante e week-end di dia 23 te 25 di april. Pa e ocasiòn aki a ser reservá 500 camas na hotelnan y serca varios famfa.

E Distrito Rotario 435 tin 37 club, di cual 34 ta na Venezuela, 1 na Suriname, 1 na Curacao y 1 na Aruba, cu un total 1500 miembro. Rotary di Aruba, cu te dia 31 di maart di e aña aki tabatin 45 miembros, no ta un di e clubnan di mas grandi di Distrito (Caracas tin 108 miembro y Maracaibo 167) pero toch e ta ser considerá como un di e clubnan mas activo y mejor organizá. Na december 1963 Rotary Club di Aruba a celebrá su jubileo di Plata, esta 25 aña di existencia. Awor e lo ta e sede di "Conferencia di Plata" di Distrito, manera e evento aki ta ser llamá den circulo Rotario.

tabata ayera mainta na Aruba pa ricibi e prome contingente di Rotario cu ta bini Aruba for di exterior en conexiòn cu e di 25 convencion Rotario, cu ta cuminsa aki na Aruba diahuebs venidero.

Na vliegfeld nos a mira entre otro sres. E. Mansveld, Th. Blok A. Raven, M. Viana, J. Sanjurjo, G.A. Oduber (presidente) P. van Dam, ir. F.D. Looman y e secretario di e convencion Harold Oduber.

Tur tabata wardando riba e segundo secretario di e convencion Rafael Cabral Godoy, kende a yega cu un avion charter den compania di mas o menos trinta Rotario-Anns for di Venezuela y

kedenan ta forma e prome contingente di e exactamente 500 Rotarianan, cu a worde inscribi y hospedá ayera door di e Comité di Preparacion.

Mientras tanto ta permaneciendo na Aruba caba durante algun dia e Rotario Stefan Zonew di Maracaibo, kende ta encargá cu e preparacion di un exposicion riba e trabao di Rotario.

E exposicion aki lo por worde mirá durante e dianan di e Convencion den Centro Cultural na Oranjestad.

FATUM
Pa tur bo aseguronan
Tel. 1845

Promé cu e Conferencia lo tin "Asamblea", esta riba dia 23 di april, su asistencia especial di president y secretarionan escohi pa e aña Rotario venidero.

Durante aña Rotario 1963/64 cu lo terminá na juni proximo, Doctor César Casas Rincón, abogado na Maracaibo, ta encargá cu e trabao di Gobernador di Distrito, cu e ta haciendo na un manera, admirable y door di su energia, y entusiasmo el a gura su distrito na un gran altura di servicio rotario, mientras cu e cantidad di miembros a ser aumentá tambe cu 25% durante e ultimo 9 lunanan aki.

Durante e conferencia tambe lo ser instalá aki na Aruba e promer Interact Club di Aruba. Cu extraordinario éxito e clubnan di e distrito aki a logra organisá den algun luna di tempu 45 Interact Clubs cu un total di 1500 jóvenes di 15 te 17 aña, cu ta dedica nan cu enorme entusiasmo pa yuda alivia e necesidadnan den nan comunidad. Lo asisti na e Conferencia Rotaria aki 15 jóvenes, tur ta president di nan Interact Clubs.

Rotarios di Aruba ta haci un peticion urgente na pueblo di Aruba, especialmente na esunnan cu pa motibo di nan ocupacion, lo bini den contacto directo cu e invitadosnan di afó, como por ejemplo vendedornan den pacús, chauffeurnan, doñonan di restaurant, etc., pa considerá e visitantenan como nan més huesped personal tratando e turistanan especial aki cu tur cortesía, demostrandonan nos amistad y yudanza den tur lo que ta posible.

PROME ROTARIONAN A YEGA

- Un grupo grandi di Rotario di Aruba



Riba e terreno industrial pabau di oficina di D.O.W., awor tambe a cuminsa e construccion di e edificio di A.N.T.E.M. E negocio di Antilliaanse Electrotechnische Maatschappij (Aruba) N.V., esun mas jong entre e industrianan chiquito nobo, lo worde alojá den un loods, cu por lo pronto lo tin e medidanan di 35 bij 15 meter y cu ta worde construi door di Petrona & Croes. E actividadnan di Antem lo ta riba e terreno di construccion di instalacionnan electrico di tension halto y abau, tanto den casnan como den fabricanan y riba vapornan.

Tambe e "rewinding" di motornan electrico di tension halto y abau, lo bira un especialidad di Antem. Sub-director di Antem-Aruba ta sr. L. Nederhorst. Den prome instancia e empresa aki lo duna trabao na binti persona. E empresa di Antem na Corsow ta duna trabao na mas cu cien persona. Riba e grafica nos ta mira e cuminzamento di Antem na Aruba. Aínda un set di balki cu ta muestra den direccion di cielo; pronto un fabrica yen di actividad. E construccion aki mester ta terminá pa fin di Mei.



SABOR CU NUNCA TA
VARIA

IT NEVER VARIES.

T.C.A. kier
extende vuelonan

ORANJESTAD, 20 april. - Segun e edicion di diasabra di Miami Herald, Trans Caribbean Airways tin intencion serio di extende su vuelonan den e aerea di Caribe, manteniendo sin embargo San Juan como nan base di operacion.

Ya caba a worde entregá tres peticion diferente cerca e autoridatnan di Puerto Rico pa nan duna nan aprobacion y nan cooperacion pa esaki.

Cerca Civic Aeronautics Board C.A.B. e autoridat di aeronautica na Estados Unidos, Trans Caribbean Airways, a pidi permiso pa extende su vuelonan den Caribe cu un linja San Juan - Mexico City, un linja San Juan - Curacao y pa extende un comunicacion directo cu Caracas. Ademá, door di e extension aki, Trans Caribbean lo haya su prome "foot-hold" riba e continente sur-americano.

Ambtenaarnan di Land
liber dia 2 di mei

ORANJESTAD, 20 april. - Gobierno Central a dicidi cu henter e personal lo tin liber riba diasabra 2 di mei, si servicio ta permiti esaki. E empleadonan cu lo tin liber dia 2 di mei, lo mester traha henter dia riba diasabra 25 di april.

STO. DOMINGO A GANA PROMER

PARTIDA CONTRA ARUBA

7-4 Sto. Domingo a gana promer partido contra Aruba

E promer partido di e serie internacional di softball entre Aruba y Sto. Domingo no a tuma luga diaVierna anochi manera originalmente a worde anuncia, pero diaSabra anochi. E cambio aki a worde ocasiona door di e yegada laat diaVierna anochi di e avion militar cu a trece e delegacion dominicano. Door di esaki e programa di weganan mester a worde cambia poco.

E acostumbrado ceremonia cu tin na e ocasionnan internacional a tuma lugar promer cu e chief-umpire Meade a canta playball Maestro di ceremonia Milo Croes a introduci vice-president di Aruba Softball Bond Jose Perez, kende a expresa palabranan di bon bini na e visitantenan. Tambe a haci uso di palabra e president di A.S.U. Tico Kuiperi, kende a expresa e deseo cu e dominicano nan lo hiba e mas grato recuerdo di Aruba despues di nan corto bishita. E palabranan aki a worde contesta door di mayor Teofilo Romero Pumarol, un di e delegadonan dominicano. Esaki a mencionia cu a pesar cu e intercambio deportivo aki ta sirbi pa adelanto di e deporte di softball, e ta mira mas bien cu e intercambio lo sirbi pa fortifica e lazonan di amistad entre Aruba y Sto. Domingo. Segun, den e encuentronan aki lo no tin vencedores ni vencidos sino rumannan cu den forma deportivo ta topa cu otro.

Door di Srta. Doris Habibe, acompaña di diferente autoridadnan deportivo local y visitante y tambe madrina di Aruba Softball Bond, a worde lanza luego e promer bala di e partido.

Aruba a cuminsa cu pitcher R. Leonardo den box, kende a lanza un inning completo.

Den e promer inning el a permiti un hit di Betantes, mientras

cu Veloza a ambasa door di un error den infield. Pero e segundo inning, ta bira fatal pa pitcher Leonardo. E ta habri regalando dos base por bola. Luego P. Castro ta conecta linea den leftfield cu ta worde busca door di e hardinero Caster. Esaki ta cai cometiendo error y asina bateador Castro ta sigi te home tras di su dos companjeronan cu tabata na base. Ta sigi otro base por bola y tres hit mas contra di pitcher Leonardo, mientras cu su catcher tambe ta comete error den un bala pa permiti otro tres carrera mas.

Pitcher Victor Albus ta drenta pa releva Leonardo y ta logra saka e tres hombernan cu e ta enfrenta pa asina cerra e inning por final. Un total di dies bateador a hanja turno conectando cuatro hit y ricibiendo tres base por bola, mientras cu e arubano nan a comete dos error.

E novena dominicano, Batolino

Blindado, ta tuma asina un ventaja cu a resulta decisivo.

Aruba ta anota supromer carrera den e tercer inning. Yarzagaray ta embasa cu pasashi gratis y luego ta worde empuha cu hit di pitcher Victor Albus.

Tambe den inning number cuatro Aruba ta piki un carrera. Paus Ruiz a habri cu tremendo batazo den leftfield pa un tribey. E ta anota ora cu Vrolijk ta

conecta roller den infield.

E partido ta bira 6 pa 3 den inning number cinco ora cu Aruba ta anota uno mas.

Albus y Burleson ta habri embasando cu base por bola. E siguiente bateador Feki Caster ta bati pa dolbe matanza di tercera pa segunda. Luego Caster ta worde empuha cu un otro fuerte batazo di Paus Ruiz, valido pa tres skina. Tabata Ruiz su segundo tribey di e anochi. Por cierto Paus Ruiz a resulta mihor bateador di novena arubano conectando tres hit den cuatro turno. cualnan tabata un single y dos tribey.

Den e septimo inning cada uno ta anota un carrera mas. Ioke a pone e score final di e partido na 7-4 den favor di e novena dominicano.

Pitcher ganador a resulta N. Liriano, kende a haci alarde di un bon biza y un bon fastball. Den e septimo inning ora cu ya tabata tin un out el a worde releva door di Hernandez, cu a cerra e inning dominando pinch hitter Donny De Windt y Yevo Buckley cu

Un total di ocho hits a worde conecta door di e toleteronan arubano contra di pitcher Liriano, mientras cu el a regala cuatro base por bola.

Esun cu mas a castiga pitcher Liriano cu e bate tabata Paus Ruiz cu su tres hitnan den cuatro turno.

Pitcher perdedor a resulta R. Leonardo, na number di kende e seis carreranan dominicano anota den e segundo inning a worde carga. Leonardo a ricibi ademá un cuatro hit y regala tres base por bola.

Pitcher relevo Victor Albus a haci bon papel permitiendone apenas un carrera den e seis inningnan completo cu el alanza. El a ricibi cinco hit y regala dos base por bola.

E mihor bateador di e dominicano den e promer partido tabata catcher P. Castro cu a liga tres

hit den cuatro turno, cualnan tabata un tribey y dos single hits. Tabata un partido interesante cu bon batazo y diferente bon hugada den field.

Deputado Tromp mester descansa

ORANJESTAD. 19 april. - Deputado F.J. Tromp no a recupera completamente di su cansancio fisico a consecuencia si su diestres pa Estados Unidos, Israel y Hulanda, y door di cual e no por a cuminsa cu su trabao nan ainda desde su regreso di e biñanan menciona, tin intencion awor pa pronto di laga Aruba pa algun dia.

Pa un recuperacion completo ta necesario pa e hanja un periodo total di descanso. E lo busca un lugar tranquil cerca conocirnan of amigonan den cunucu di Corsow.

DOKTER BIJL PA CONFERENCIA

Oranjestad, 20 april. - Dokter O.A. Bijl, hefe di e Departamento di Sanidad di Aruba, a sali diadomingo cu T.C.A. pa Puerto Rico, caminda e lo representa Aruba na e conferencia di e In-

Bekendmaking

Wij maken hierbij bekend dat ons spaarbankboek No. 8880 door de houder Louis E.L. Abraham als verloren is opgegeven. Twee maanden na heden zal een duplicaat worden verstrekt, waardoor het origineel waardeloos wordt verklaard.

Aruba Bank N.V.

Noticia

Comandante di mari-nierskazerne Savaneta ta participa cu den anochi di 21 di april proximo, ehercicionan militar lo tuma lugar pa noord y noord-west di

BUBALI - TANKI FLIP PARAGUANA - CATIRI CUDAWECHI - CERO SUMPINA.

E ehercicionan ta solamente pa defende e posnan di awa den vecindario aki.

STOOF, CASHIPACUSHINA, LAVA-PLATOS, MESA PA COMEDOR DI 8 y 6 PUESTO,

y hopi otro articulo mas di calidad na prijs masha masha abao nos a caba di ricibi na nos departamento di muebles. Ta bo mes mester mira pa bo kerel Naturalmente na

LA LINDA

AVISO

Francisco Leugenio Croes, biba na Pabilon No. 104 Santa Cruz, Aruba, ta participa na publico en general cu e no ta responsable pa ningun debe haci pa Jorge Jose Jacquin cu no ta firma pè personalmente (F.L. Croes).

Francisco Leugenio Croes, Aruba, April 1964.

TA SOLICITA

pa familia Hulandes na Oranjestad of den vecindario

Cas (no muebla)

preferible cu tres camber

den prijs di mas o menos Fl. 175.- pa luna.

Interesadonan labor jama 2778 (entre 6 y 8'or p.m.)

ternational Planned Parenthood Federation.

E conferencia, cual lo atrae cientificonan di tur parti di mundo, ta worde teni di dia 19 te dia 27 di e luna aki den Hotel El San Juan.

E conferencia aki, mescos cu e sunnan anterior, lo ta dedica na e exco di poblacion cu ta menazando nos mundo y e metodonan,

cu e mayornan por aplica pa tene e grandura di nan famia denter di e limitenan, cu ta justificá pa cu Dios, comunidad y nan mes famia.

Iglesia Catolico di Aruba a declara cu nan ta completamente di acuerdo cu e viaje di dokter Bijl pa e conferencia aki, y nan ta warda cu interes riba e resultado nan di dokter Bijl.



BOTICA ARUBA

Personal competente
+ Maquinaria moderna
= Servicio excelente.

Jama No. 1080 - 1081
of 1180

y nos ta busca bo recept y entrega e remedi na bo cas.

TRAJE DI BANJO

T W E K A

modelonan precioso y atraente obtenible exclusivamente na

PALAIS ORIENTAL

Oranjestad San Nicolas.

SHOE REPAIRS



CHARLES BAARH JR.

servicio rapido y competente. Nos experiencia ta bo garantia.

adres:
Schoenmakersbedrijf,
Charles B. Baarh, Jr.,
Zandstr. No. 3 O'Stad (banda di Zepp Wever)



Desde dialuna lo actua den Klompen Klub di Aruba Caribbean Hotel e cantante Dolores Leigh. Dolores ta bini di Brooklyn, N.Y. El a studia arte na e Universidad di Fordham, pero door cu e tabatin un bon stem el a dedica su mes completamente na showbusiness. El a desarolla un bunita estilo di canta, cual generalmente ta cai hopi den smaak. Dolores ta gusta bin Aruba, pasobra e ta gusta waterski hopi den su tempu liber. E ta soltero ainda. El a actua caba den hopi hotel y nightclub di primera clase.



**DUE TO THE ROTARIAN
FAREWELL PARTY THE
KLOMPEN KLUB AND PAPIAMENTO
ROOM WILL BE**

CLOSED

TO THE PUBLIC ON

SATURDAY APRIL 25th.

We regret any inconvenience that may cause.
Coffee-shop will be open until 4.00 p.m.

ARUBA CARIBBEAN HOTEL

Panam a cuminsa record na Aruba

Un cantidad di combustibles Esso, cu ta un record, a ser entregá na e promer jet Pan-Americano durante inauguracion di e pista di jet nobo di Aruba April 10. E Boeing 707, cual a haci e promer vuelo di Pan-Am pa Aruba, a carga 8516 galon di combustible jet. Ningun avion nunca antes a yega di carga un tal cantidad na Aruba.

Esso tin cuatro coneccion pa combustible jet pariba di e edificio di Aeropuerto Princess Beatrix. Usando e completo sistema di pomp, e empleadonan di Esso a tuma treinta minuut pa carga e gigante avion jet cu combustible. Planeamento di antemano a contribui na un operacion sin peligro y eficiente.

Facilidadnan nobo a ser instala pa satisfacenecesidadnan di combustible jet. Un tanki di deposito y pomp cu un filter separador a worde construi. E tanki, cual ta ariba tera, tin un capacidad di 22,000 galon di combustible jet ya ta manda e combustible pa e coneccionnan via un sistema di tubo bao di tera. Carronan di hose nobo, specialmente designa pa carga avionnan jet, a ser usa. E hosenan di e carronan, cual ta conecta e hydrantenan cu e tankinan den e halanan di avion, ta e ipa cu un filter separador pa filtra suhidad y awa for di combustible

y tambe cu meternan di presion pa controla e presion di e combustible na e botadera di e hose.

E cuadrilla di Esso pa carga avion, consistiendo di F.M. Croes, N.Y. Oduber, G.T. Walle, I.A. Juliana, y A.F. Orman, a desempena nan promer asignacion di

cargamento di jet cu gran eficiencia y conocimiento. Nan a demostra e beneficcionan di un training special cu nan a ricibi na Bermuda y Puerto Rico, na unda nan por a observa y sinja bao situacionnan berdadero di cargamento di combustible jet.

Federico Henriquez
Ass. Manager A C H

Palm Beach - Senyor Frederico Henriques, procedente di Madeira Portugal, recientemente a ser nombra assistant manager di Aruba Caribbean Hotel. Senyor Henriquez ta un veterano den e trabao aki, y ultimamente tabata

Kodak CAMERAS

night-manager na Hotel Tamana-co na Caracas. For di anjanan 1961 senyor Henriquez a pasa su vacantie na Aruba, y a perde su curazon mes ora na e isla aki, pasobra siquiente anjanan e la bolbe escohe Aruba pa pasa su dianan di vacantie. Awor e ta na Aruba pa traha, pues pa keda. Desde algun dia caba e la cuminsa cu su encargo nobo. Denter di dos siman e ta spera su senjora. E actual assistant manager senyor George Camara denter poco lo tuma direccion di Basi Ruti su encargo.

TRAFICO AERO NA ARUBA

PRINSES BEATRIX VliegVeld
20 april. - Durante luna di maart di e anja aki, e trafico di pasahero na Prinses Beatrix VliegVeld atrobe tabata hopi mas intensivo cu durante maart di anja 1963.

E cantidad di aterrizaje a subi den 12 luna di 257 te 284, mientras cu e siguiente tabel ta duna e diferencia di e cantidad di pasahero den forma avidente:

Pasahero	1963
A drenta	3319
Transito	1107
A sali	3640
Totaal	8066
Pasaheros	1964
A drenta	4567
Transito	968
A Sali	4870
Totaal	10405

1. Hr. Ms. Karel Doorman.
2. Hr. Ms. Amsterdam.
3. Hr. Ms. Drenthe.
4. Hr. Ms. Zeeleeuw.
5. Hr. Ms. Friesland.

E portaviones, tres Destroyer y Submarino cu ta promer Smaldeel 5. cu ta haciendo un bishita na Antillas. Tambe e Destroyer nan de e Smaldeel ya a bishita Aruba, den un di e dianan aki lo jega Aruba tambe e portaviones y e Submarino.



E demostracion door di Alfonso Vlaun di Bosch Plastics, durante e exposicion di e productonan di Bosch, cual a tuma lugar diavienes na POVA. Riba e foto di r.p.d. (cu flus), sr. G.van der Bosch, gezaghebber interino I.S. de Cuba, gezaghebber O.S. Henriquez, diputado G.A.Oduber y full na robes Diputado D.C.Mathew.



Secretario insular L.C.M.Kerstens yen di atencion pa e demostracion.



Diputado Oduber na e exposicion di productonan di plastic papiando cu sr. Milo Daal, Public Relations-man di E.L.M.A.R.

Interesante exposicion di Bosch Plastic

(Di Nos redaccion na Aruba)

ORANJESTAD, 18 di april. - E interes pa e exposicion di e productonan di un di e industrianan mas jong di Aruba, Bosch Plastic & Poly ester Industry, tabata hopi mas grandi di loque nan a spera.

Hasta Bestuurscollege a bin algun rato prome cu 12'or casi completo pa mira loque a worde lográ caba door di industria aki, cual industria ta e resultado di e ingeniosidad y e perseverancia di un solo homber, G.C. van den Bosch.

Riba e pista di balle di POVA na Beach a worde exhibi e hopi productonan cu e fabrica por manufactura caba; un speedboat, sailfish, potchi pa flor, tanki chiquito y grandi, stiel di plastic, kashi pa telefon, borch di trafico, kashi di distribucion, tubo fini y dik y hopi mas ainda. Bestuurscollege a worde informá detalladamente tocante e sistema di produccion y e diferente posibilidadnan di e empresa, cual a cuminsa algun tempu pasá den un loods riba e terreno di e planta di awa hieuw na Balashi, pero cual ta operando actualmente den un edificio hopi mehor na Washington. Unde cuater empleadonan di e fabrica, Alfonso Vlaun, a duna Bestuurscollege un demostracion di e sistema di produccion di productonan di plastic. Sr. Van den Bosch a duna e splicacion necesario acerca, dunando na Bestuurscollege y algun otro persona, entre cual ir. F. Looman, director di Elmar, tur detalles tocante matan, katalisador, acelerador y bonnan di plastic. Segun nos a worde informá tanto gobierno insular como Elmar, caminda sr. Van den Bosch ta traha ainda - e ta considera fiel caba di Van den Bosch Plastics, Elmar ta bestel kashinan di distribucion y capa pa e luznan di caya - e ta considera e fabricacion di plastic te ainda como un pasa tempu util-, ta clientenan fiel caba di Van den Bosch Plastics. Elmar ta bestel kashinan di dis-

tribucion y capa pa e luznan di caya y gobierno ta bestel entre otro kashi pa e telefonnan publico. Casualmente diasabra a worde instalá un di e kashinan ey den Nassaustraat banda di Peasant Shop pa e chauffeurnan di taxi. Gezaghebber a declara cu e tin intencion pa bestel un speedboat cerca Van den Bosch despues di su verlof. E interes pa e exposicion tabata grandi. Diavienes merdia a bini hopi interesadonan di Seroe Colorado. Ora di hiba e visitantenan rond, sr Van den Bosch a worde asisti door di su señora y sr. Milo Daal. Na final el a declara cu e exposicion a hira mas cu un exito.

Polynorm tambe kier trahadornan Antill.

ORANJESTAD, R.D.V. 20 april. Prome cu sr. M. van Berkel di N.V. Bronswerk na Amersfoort a sali for di Hulanda, N.V. Polynorm na Bunschoten a pidi sr. Van Berkel pa busca diez trahador antillano pa nan tambe. Sr. Van Berkel a acepta e peticion aki y lo busca riba Antillas diez trahador di metal, kedenan eventualmente lo worde empleá door di N.V. Polynorm den e elaboracion di metal. N.V. Polynorm ta un empresa, cu ta ocupa su mes cu fabricacion di perfil, kozijn, paneel etc.



Un otro grupo cu ta papiando riba e posibilidadnan di e fabrica aki, cu ta chiquito pero toch hopi activo. Di r.p.d. Gezaghebber O.S.Henriquez, Diputado I.S. de Cuba, propietario di e fabrica di plastic sr. G. van den Bosch y ir. F.D.Looman, director di E.L.M.A.R., caminda sr. van den Bosch ta chef di e centrale.

Falta solamente 9 dia mas y..... RON REY DE COPAS TA REGALA FLS. 3000.--

Na su consumidornan

Simplemente duna e nombenan pa e tres rumanan .

E tres rumanan ta e 3 popchinan den show window na

oficina di Ron Rey de Copas - Wilhelminastr: 47

Tin un premio di fls. 1000.--

pa cada nomber favoreci



**"Las tres hermanas" otro concurso sin igual cu
fls. 3000.-- pa regala!**

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombenan pa e tres rumannan
- 2) Entregá e formulario aki yená na oficina di Aruba Distilling Co., Wilhelminastr. No. 47 y percure pa bo recibo, cu ta pega na e mes formulario, ricibi su stempel di entrega.
- 3) Warda dia 29 di april 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



REY DE COPAS

ARUBA DISTILLING CO.

Wilhelminastr. 47

Tel. 1266

ABBA NO A BAI

(Di Nos Redactor Deportivo)
Amateur Baseball Bond Aruba cu president Tico Kulperi, kende tabata designa pa bai presenta Aruba den e congreso di Federacion Internacional de Baseball

Afficionado na Mexico, no por a bai. Motibo di a keda sin bai ta segun informacionnan obteni cu e presidente di A.B.B.A. tambe a cai victima di e griep cu ta reinando na nos isla, mientras cu tambe tabata tin complicacion pa un remplazante na su trabao. E intencion di bai diarazon siman pasa sin embargo tambe mester a keda anula ya cu un telegram a worde ricibi back for di president di F.I.B.B.A. Carlos Zecca den cual a worde participa cu e dia ey e congreso lo terminaria.

Friese Vlag a derota Brazil

(Di Nos Redactor Deportivo)
E campeonato di baseball junior league a cuminsa diasabra merdia den Wilhelmstadion cu e costumbrado ceremonio cu directiva di A.B.B.A. ta duna na e inauguracionnan di cada temporada di baseball local. Un tradicion cu ta parece nos bon y cu ta duna e deporte un cierto colorido cu e merece.

E ceremonia tabata consisti aprobe di un desfile di tur e equiponan participante. Nan ta ocho en total, esta Friese Vlag, Brazil, Hlito Shoes, St. Jan 's Knapen, Anton Hunink, Kodak, CocoRico y Wilson, cu tabata Adams Chiclets.

Na cabes di e desfile a camna e tesorero di A.B.B.A. Milo Croes hunto cu e Reina di Deporte Srta. Doris Habibe.

Despues cu e equiponan a para dilanti di tribunanan, tesorero

CONGRESO FIBBA

A.B.B.A. ta wardando awor noticianan for di e directiva di F.I.B.B.A. tocante loke lo aworde casi sigur trata durante e congreso, esta e afiliacion di Aruba na F.I.B.B.A.

Croes a tene un discurso gradiendo tur e sponsornan, mientras cu el a desea hopi suerte na tur e clubnan participante.

Tambe Srta. Habibe a dirigipalabra alentando especialmente cada hungador pa keda sportief bao di tur circunstancia.

E Reina di Deporte luego a lanza e promer bala y Wilhelmus a worde toca pa asina e campeonato di junior league keda oficialmente inaugura.

A toca e novenan di Friese Vlag y Brazil, dirigi respectivamente pa Braulio Wester y e shortstop di Heineken's Jose Robles, na enfrenta otro den e promer partido.

E lecheronan di Friese Vlag a resulta victorioso cu anotacion di 12 carrera pa 11. Pitcher ganador tabata Rufo Angela kende

tambe a conecta un cuadrangular. Perdedor tabata Ronald Duncan.

Friese Vlag a conecta cinco hit y comete cuatro error, mientras cu Brazil a conecta 8 hit y comete nueve error.

J. Flemming candidato pa e pres. di ABBA

(Di Nos Redactor Deportivo)
Te cu ayera e secretario di A.B.B.A. a ricibi unicamente un candidato pa e presidencia di e organo ey. Esaki a worde lanza door di Winston B.B.C. y e candidato ta nan ex-presidente, awor vice-presidente, Coco Flemming. Pa hopi anja Flemming a ocupa e presidencia di Winston. Awe noch den un reunion di directiva di A.B.B.A. lo worde

cerca e lista di candidatos. Asina ta cu te awe ainda e clubnan por manda nan candidato, pero e carta mester ta den poder di directiva promer cu e reunion cuminsa.

Manera ya nos a yega di publica pa dia 4 di mei 1964 a worde yama un reunion general di miembronan cu como unico punto di agenda eleccion di un presidente.

Esaki ta e consecuencia di e retiro pidi door di e actual presidente Tico Kulperi, despues di a ocupa e puesto ey pa diez anja.

SECCION INGLES DI MASCARUBA

ORANJESTAD, 19 april. - Diasabra u.p. tabatin na cas di e secretario di Stichting Teatro Arubano un reunion pa interesadonan di comediantan na ingles.

Tabatin masha interes paeleccion nobo aki di Mascaruba. E.o. tabata presente, regisor di Sticusa sr. Piet Eelvelt, diputado Mathew y e presidente di Stichting Teatro Arubano, sr. Domi Tromp.

Un directiva a ser formá pa cuminsa mas pronto posibel cu actividadnan teatral. Sr. Paul Phillips a keda elgi como presidente di e seccion aki, mientras Sr. J.C. v/d Bergh lo tuma asiento den e directiva como secretario.

Diasabra venidero e seccion aki lo cuminsa na San Nicolas cu ensayonan di e obra ingles "BLITHE SPIRIT" di Noel Coward.

E region ta den man di Sr. Piet Eelvelt. Tambe nan lo studia e obra "Before the Party" di Somerset Maugham.

GOBERNADOR DEN CLUB SURINAM

San Nicolas, 20 april.
Diarazon proximo, Gouverneur

N. Debrot di Antillas Hulandes lo haci e bishita, cu el a priminti Club Surinam na San Nicolas.

Directiva di Club Surinam lo o-

frece Gouverneur un programa cultural na e ocasion aki. E anochi ta cuminsa pa 8'or.

**For Your Most Intimate Marriage Problem**

Millions of women put their trust in Norforms... rely on Norforms for the surest protection in their most intimate marriage problem. Tested by doctors and proven in hospital clinics, only Norforms give such positive germicidal protection; with a highly perfected formula that releases antiseptic ingredients with long-lasting action. Body temperature melts Norforms to produce a powerful protective film that guards but cannot harm delicate tissues. Norforms' deodorant protection eliminates

embarrassing odors... does not merely cover them up... and there's no "medicine" or "disinfectant" odor. Norforms are convenient... simply insert these feminine suppositories. No apparatus mixing or measuring. Greaseless and hermetically sealed. Norforms keep in any climate. Available in boxes of 6, 12, 24.



Put your trust in
NORFORMS
— Millions of women do.

FREE
Samples and informative booklet. Mail this coupon now to:

ARUBA TRADING Co. - Oranjestad

Name.....
Address.....

AC.

Aruba A DRENTA "Jet Age"

TRANS CARIBBEAN SU "5th ENGINE FAN JETS" TA SALI FOR DI ARUBA PA NEW YORK PA SOLAMENTE \$78,25 PA VUELO ★

Bo por sali for di Aruba cualkier Diamars, Diabierne of Diadomingo. Un "Fan Jet" ta hibabo San Juan den menos cu un ora, y bo por baha na New York den menos cu cuater ora.

(Sin cambia avion)

E avionnan di Trans Caribbean tin cuater motor grandi di jet cual ta duna e avionnan e rapidez y e forza di 5 motor di jet ordinario.

Nunca un vuelo tabata asina suave, calmo y asina comfortabel, manera den un "5th Engine Jet." Bisa bo agente di biahe cu bo ke bai cu Trans Caribbean.

★ Basá riba un tariva di excursion "round trip" di 15 dia, saliendo for di Aruba.



TRANS CARIBBEAN
THE '5TH ENGINE' FAN JETLINE

AGENDA

ARUBAANSE COURANT
diariamente cu excepcion di
diadomingo
suscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
imprimi na:
N.V. DRUKKERIJ
„DE STAD“

Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

CINE

Veer: 8.30 p.m. "55 Days
at Peking" all.
Dialto: 8.00 p.m. "The Na-
red Maja" 18 j
Principal: 8.00 p.m. "A Girl
named Tamiko" 18 j
Urrora: 7.30 p.m. "Contra-
viento y Marea" all
Ivaneta: 8.00 p.m. "H.M.S.
Defiant" all.

OTICANAN DI WARDA

Uchtdiensten: Oranjestad Boti-
ca Oduber Tel: 1780
San Nicolas Botica San Lucas Tel:
19.

TELEARUBA

00 Cartoons
00 Annie Oakley
00 Dutch Film
05 Papiamento Newscast Live
& Filmnews
30 The Flintstones
45 Papiamento Sportnews
55 I love Lucy
45 Have Gun Will Travel
00 English Newscast Live &
Filmnews
00 Dutch Film
30 Bold Venture

POR FIN E AMOR VERDADERO

NOVELA

No. 17.

Nos com-
omiso lo bay di boca pa bo-
Pero mi kier a puntrabo
Srta.: Con lo bo sintibo
bo ta comprometi di berdad
mi? José a ripara dema-
do laat, cu e no mester a ha-
pregunta ey. Laure su ca-
bira un poco corra, y su
ca, cu tabata hari awor ey,
or a cuminsa tembla un po-
Esey no ta posibel, José
pensa di repente. E ta sti-
uni, mi sa cu Laure ta sti-
mi. E pensamentonan ey a
ne José bruha un poco. Ta lo-
ta, e ta pensa y mesora e ta
sa trobe: Mi mester a ofen-
damente anto. Y no so-
mente awor ey. Kizas mi a ha-
durante tur e simannan y
anan cu a pasa. "Laure",
sé a caricia su mannan. El
laga José hacié, pero di re-
te su sonrisa bira tristo.
E compromiso aki ta un we-
el a bisa, mientras el a

keda miré cu wowonan grandi.
"Y si nos hacie na serio?"
Jose a puntra di blaha. "No,
José, por favor, no hacie. Nos
kier ta inteligente, no ta berdad?
Wel, laga nos lague na wega,
y lubida loke bo a descubri a-
wor ey. Ta duél mi cu mi por
domina mi mes asina malo. Ha-
mas e por bira serio, y mi
mester sinja pa consola mi mes."
"Y si ami no kier asina? Lau-
re, basta rato ey bo a puntra-
mi pakiko mi no ta bay cas.
Kizas esey ta e motibu anto?
Lo ta un mentira, si mi mester
bisabo esey. Mi no kier y mi
no por ganjabo. Ainda e herida
den mi curazon no a cura, pero
si abo yudami, lo e cura pron-
to."
"Un hende por stima dos bla-
ha, José? Mi kier mirabo felis.
Cu gusto lo mi yudabo cu esey."
"Hacé anto, Laure. Un pasa-
do, cu a pone un hende sufi-
hopi, no tin derecho pa sigui



Platos Sabroso




Delicious Dishes

N.V. Winkel's Handel Mij

BIBA MEHOR CU ELECTRICIDAD

for di mainta trempan
te anochi laat REDDY
ta na bo servicio.



na simpatia di e seccion feme-
nina di Sociedad Bolivariana, -
senior Isidro Lopez, un descono-
cido cu onverwacht a regala e
damanan di e sociedad menciona
ariba un suma basta regular y
algun otro hende mas, e cas por
a worde salba y den dianan aki
senjora Petronilia Willems por
ocupa su casita trobe.

Inaguracion oficina nobo di Land

Oranjestad, -20 di april. Ac-
tualmente e kantoor nobo di Land

biba den bo. Futuro lo pertene-
ce na nos tur dos. José a
buk y a sunchi Laure su man.
Un sentimento di felicidad a pa-
sa den Laure su curpa. Pa mi,
e no ta bay bek cerca dje, Lau-
re a pensa. Esun aya a laqué,
pero ami kier stimé, cu henter
mi curazon, cu henter mi alma.
Y ora cu e mozo a trece
e champagna, Laure sa, cu nun-
ca antes e tabata sintié asina
felis.

XXXXX
Brigit su cara tabata palido, o-
ra cu siguiente mainta, dos ora
después cu e mester a cumlin-
za traha, e tabata na caminda
pa cas bek. Pero riba su cara
tabatin un impresion decidido.
Den su saco e tabatin un co-
rant. Tres blaha, cuatro blaha
caba el a lesa e corant ey, y
ningun hende por a stop é di
haci esey. José tabata akinan.
Tur su duda y desesperacion a
worde lubida, y un deseo inmen-
samente grandi ta poderando di
dje. E ta hafia cu e trein ta
corriendo mucho poco poco, ca-
da minuut ta parce un eterni-
dad pé. Porfin el a jega cas
bek. Sra. Fos tabata pelando
appel, y sorpresá el a pone
e cuchui riba mesa, ora cu -
Brigit a cana dreña. "Mi a tu-
ma vacante, mama", Brigit a
bisa. "Mi ta bay blaha. Mi
mester pura, dentro di un ora

HET BESTUURSCOLLEGE VAN HET EILANDGEBIED ARUBA

maakt bekend dat op 5 mei 1964 om 11.000 uur v.m.

openbare aanbesteding

wordt gehouden op het kantoor van het Hoofd van de
Dienst Openbare Werken voor:

- bestek no. 5, dj. 1964 D.O.W.: Periodiek onder-
houdswerk aan douaneloodsen 7 te Oranjestad;
- bestek No. 6, dj. 1964 D.O.W.: Periodiek onder-
houdswerk aan douaneloodsen 1, 2 en 3, alsmede
aan het douane havenkantoor te Oranjestad.

De bestekken zijn op voormeld kantoor verkrijgbaar tegen betaling
van f. 2,50 per bestek.

Pa e mesun tempu postkantoor
lo dreña den e edificio nobo,
locual ta nifica un satisfaccion
grandi pa e centenares di perso-
na cu durante hopi tempu caba
ta sperando riba un postbox.
Nan ta kere cu e edificio nobo
lo worde inaugura den forma
oficial, pero te ainda no tin nin-
gun noticia na Aruba tocante
esey. E n todo caso: actualmente
e edificio ta practicamente cla.
E edificio a worde construido
di firma Petrona & Croes.
E mudamento di Radiodienst lo
worde efectua di tal manera cu e
trafico telefonico y telegrafico lo
no worde stagna ningun momento.
Mientrastanto plannan ta worde
studia pa cambia e edificio, cam-
inda postkantoor y radiodienst

tabata, y pa aloja den dje kantoor
di Eilandsontvanger.

Segundo culpable Van Swaay deteni

ORANJESTAD, 19 april. - Dia-
huebs atardi recherche a detene
A.Y. di 22 anja kende ta worde
sospecha di ta culpable tambe
den e hortamento na van Swaay
algun dia pasa. El a declara su
culpa. Algun cheque cu tabata den
su poder a worde recupera. Por
lo pronto el a keda deteni mien-
tras cu e investigacion ta conti-
nua.

pelnan, kizas ta di berguenza? Mi
Dios, bo tin tur razon berdad? mi
ta spera cu bo ta comprende kiko
mi ta pensando."

"Si, y keremi, mi no ta pensa
menos riba Frenky cu abotapen-
sa. Lo mi ofende, pero no ta
asina terribel manera mentira
y falsedad. Ta pesey mi tin ber-
guenza, y no di loke mi ta hacien-
do awor. Entre ami cu Frenky,
mester tin algo honrado. Ta un
homer so mi por stima, y esey
ta Jose." "Mi ta haya cu bo ta
pensa mucho laat riba esey.
Demasiado laat, esta si bo tin
maske ta un tiki punto di honor.
Pasobra bo a duna Frenky bo
palabra." "Ta ken a bisabo, cu
mi a duna mi palabra? Frenky ta
spera riba dje, esey ta berdad.
Pero ami no a pronuncia e pala-
bra ey pé, y stop di matizami,
niamal." "Ya tin ocho siman cu
el a bay, y e ta mandabo carta
y flornan, Scuchami Brigit, Fren-
ky lo bira e hende di mas infelis
riba e mundo aki." "Y toch lo e
comprendemi. Lo e no rabla cu
mi. Kizas mi ta perde e miho a-
migo cu mi tin, pero mi amor ta
mas fuerte, y mi mester corres-
ponde." "Bo amor pa un homer
bajo asina? Jose Marel. Ya e
homer ey a bira stranjo pa mi."
"Pa mi no, pasobra mi ta cargué
leeuw den mi curazon, y di ora
cu mi a mira e corant awe mainta,
mi sa cu José ta pensa y sinti
inescos cu mi. E no a lubidami,
mama, y e ta sperami.

E ta sigui

MP KIRBY

pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG**

lechl evaporado y lechl en polvo

MAXWELL HOUSE KOFFIE.

**CISCO KID**

pa cortesia di:

ARUBA BOTTLING COMPANY



NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

pa cortesia di:

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.

**DICK TRACY****Horoscopo personal**

ARIES- 21 di maart-20 di april- Bo esperansanan y deseonan personal ta efoca agudamente awor. Trata di aclara e finnan.

TAURO-21 di april-21 di mei- Pone atencion na e detallenan comercial y lo bo no fracasa.

GEMINIS-22 di mei-21 di juni- Oranan di mainta quizas ta algo confuso. Lucha contra e corrientenan strango cu por perhudicabo.

CANCER-22 di juni-23 di juli- Un difusion e mainta aki no mester dafa bo dia completo. Bo mester tin pasenahi y tur cos lo sali bon.

LEO-24 di juli-23 di augustus- Bo carrera profesional y prestigio personal por mehora den e proximo simannan.

VIRGO-24 di augustus-23 di september- Loke ta referi na bo socionan, tene especial cuidao di loke bo ta bisa y con bo ta bisa. No mete bo culpa den nada actualmente.

LIBRA-24 di september-23 di october- E parti cultiva di bo bida ta nifica hopi actualmente. Studia concentra den interesnan educacional y mehora bo forma di pensa.

ESCORPION-24 di october-22 di november- Esaki ta un dia den cual bo mester trata cu personanan cu por pone bo plannan den accion.

SAGITARIO-23 di november-22 di december- Yuda esun cu tin mester actualmente y den un futuro inmediato. Bo amistad por bira beneficosa.

CAPRICORNIO-23 di december-20 di januari- Bo mester pone masha atencion na asuntonan di muchanan e dia aki. No apresura e cosnan ya cu tur ta bai bon.

ACUARIO-21 di januari-19 di februari- Interesnan di cas ta bini prome. No malgasta e placa cu bo tin mester pa bo famia.

PISCIS-20 di februari- 20 di maart- Usa e proximo simannan pa aumenta bo alcanse intelectual. Aprende algu tur dia, evita di preocupa encuanto asuntonan personal.

Polis di Amsterdam

NEW YORK, 4 april.- E hoofd-agent femenina di Amsterdam Berenschot cu ta forma parti dje delegacion Ulandes na New York, a regla cu gran exito durante mei ora e trafico den center street. Su colega nan Neoyorkino a resulta di tin gran admiracion pa e perfeccion dje movimentunan dje polis di Amsterdam aki cu cual e ta regla e trafico.

Hasta e no tabatin meste di a usa e borchinan di trafico Ulandes cu nan a bai cu nan specialmente.

ECONOMIA MERICANO**MAS FAVORABLE**

Washington, April. - Na un conferencia di prensa president Johnson a duna un bista riba e economia di Merca. El a declara que produccion ta aumenta, y que prijsnan ta mas stabiel cu den cual kier otro pais industrialisa na mundu. Den e prome tres lunanan dje anja akt e producto bruto nacional e comparacion que tres prome lunanan a aumenta cu 8,5 milliard dollar, riba e base anual di 608,5 milliard bollar. Pa di prome biaha den dos anja, segun e president tabatin un berdadero adelanto cu rebaho di desempleo. E porcentahe di desempleo a baha di 5,8 te 5,4 por ciento.